

SKALLOMÆSSO - SKRIFTEMÅLSGUDSTJENESTE

14.02.11

1 Álggosálmma

2 Álggobágo

Juogu *A*

Hærrá ráfe lehkus gájkaj dijájna. Mijá Lánestiddje Jesus Kristus javllá: "Hebulattja e dálkudiddjev dárba, ájnat skihppe. Iv le bohtám rievtesferdugijt gáhtjutjit, ájnat suddárijt." Mark 2.17

Jali *B*

Jubmela ráfe lehkus gájkaj dijájna. Hærrá apostel javllá: "Mána, dáv tjáláv didjij vaj ehpit suddoda. Valla jus aktak suddot de miján le bælostiddje Áhtje ávdán, Jesus Kristus, guhti le rievtesferduk. Sån le sábadusværron mijá suttoj ávdás, ja ij dássjá mijá ájnat ábbá værálða." 1 Joh 2,1-2

L Ájlis Jubmel, almmelasj Áhtje, gijtto gå bálges duv lusi agev le rabás Jesus Kristusin. Viehkeda mijáv jáhkket duv báhkuj ándagisluojttemis. Gievrroda mijá jáhkov ja doajvov, ja dagá mijá gieresvuodav viesso gieresvuohtan, dunji guddnen ja mijá guojmmealmatjijda viehkken, Jesus Kristusa, Bárnát, mijá Hærrá baktu.

Tj Amen.

3 Tækstalågos

Dánna lågåduvvi akta jali guokta tevsta, buojkulvissan akta gietjav sájarvissálmajs (Sálmma 6, 32, 38, 51, 102, 130, 143), ihkap sálmajn lãhkusij gaskan.

Tækstalågos álggá návti:

Tjáleduvvam le

Tjoaggulvis tjuodtján.

Tækstalågos lãhpáduvvá návti:

Náv gulluji Hærrá bágo.

Tjoaggulvis tjáhkkít.

4 Skallohålla

5 Sálmma

6 Iesjguoradallama

L muohto tjoaggulvissaj
Guoradallup ietjama iellemijt Jubmela ájlis sidoda gáktuj.
Lågev Jubmela budá gulluji návti:

Liturgga láhká budájt.

- 1 E dujna galga ietjá jubmela gå mån.
- 2 I galga Hærrá Jubmelat namáv dåssjen adnet.
- 3 Galga vuoŋnastimbiejev ájllisin adnet.
- 4 Galga áhtját ja ædnát guddnedit.
- 5 I galga gáddet.
- 6 I galga gállasjuodav doadjet.
- 7 I galga suoládit.
- 8 I galga guojmát vuosstij vieret vihtanasstet.
- 9 I galga guojmát goadev hibmodit.
- 10 I galga hibmodit nuppe gállasjuojmev, svájnnasav jali dærnov, jali mavga iehtjádav mij sunji gullu.

7 Suddodåbdåstibme

Liturgga manná álltárij.

L muohto tjoaggulvissaj

| Buolvvedup Jubmela åvdån ja dåbdåstup suttojdimme.

Liturgga buolvvet muohto álltárij.

Juogu *B*

L Hærrá, ájlis Jubmel. Báhkut sárnnu muv suddárin, guhti háhkkánav jus dán i ármálaste. Dát sádnescuolta le mælggadin muv dádjadusás, Hærrá. Vatte munji fámojt ja mielav duv bágos suddárin bigoduvátjit.

Dån le muv sjivnnjedam, ja vierttiv duv åvdån iellemam åvdås vásstedit. Duv sidot luluj muv ájádusájt ja vájaldusáv lájddit, valla muv miella sihtá duv sidodav garvvvet.

Bágut milta luluv guojmmealmatjijt iehttset, valla mán lev álu lájttális, huolodibme ja lájkás.

Dán rávka sádnovuodav ja bihkovuodav muv iellemin, valla mán svahkadav. Huoman diedáv jur dalloj gá lev hædjon ja várjodibmen, de dalloj lev værddogis duv ármuj.

Hærrá, válde mujsta ierit álkkes jasskavuodav. Luojte munji suttojdám ándagis Jesus Kristusa diehti. Vatte munji ájlis ráfedisvuodav vájmmusim, mij muv agev duv lusi vuojet vaj oalle jasskavuodan ja áskulasjuodan viesov.

Tj Amen.

Jali C

L Ájlis Jubmel, ármogisvuoda Áhttje. Mán vájván almasj, oassálettjan almatjij suttos ja vielges, dábdástav duv ávdán, rievtesferdugis Jubmel, mán lev suddodam duv vuosstij moatte láhkáj.

Iv le æhttsám duv gájk ávdemusát, iv ga guojmám náv gá iehtjam. Ájádusáj, bágoj ja dagoj lev suddodam duv ja ájlis budáj vuosstij. Jus dán dagojdám milta lulu duobbmit muv, de luluv dujsta hilgoduvvat.

Valla dán gieres almmelasj Áhttje le dal jáhttám ármujnat duosstot gájkajt gudi dunji járgijdi, ja áskeldattijn mijá Lánestiddje Jesus Kristusa dagojda duv stuorra ármogisvuodan suojev áhtsi.

Dán sidá gájkka sijá mættojtt ándagis luojtet ja ij goassak sijá suttojtt láhkát. Dasi mán áskeldav ja ánov gájkka suttojdám ándagis, Jesu Kristusa diehti.

Tj Amen.

L Sjávot dábdástip dal Jubmelij dav mav juohkka akta vájmonis guoddá.

Oanegis sjávo ráhkåmbåttå maŋgela ráhki liturgga ja tjoaggulvis aktan dáv ráhkålvisáv:

G Gieres Hærrá Jubmel.

Mæddám lev moaddi ájádusáj, bágoj ja dagoj,

iv ga gáktuk le vigedibme.

Valla jáhkáv ájnnariegádim Bárnnásit, Jesus Kristusij,

guhti le jábmemij lájdástam muv lánestittjat,

ja ráhkålav dunji suv diehti:

Luojte dán de munji suttojdám ándagis.

Vatte munji Ájlis Vuojŋŋanisát,

vaj mán jáhkáv sutto li ándagis luojtduvvam,

járgijdav suttos ierit

ja bájav duv ájlis ja buorre sidodav muv iellemin ráddit.

Hærrá ármmalaste muv.

Amen.

8 Tjadnam- ja tjoavddemfámo bágo

L Gullup majt bajástjuodtjelam Hærrá javllá áhpadisálmhájdisá:
“Duosstut ájlis Vuojnjanisáv. Jus aktasik suttojdis ándagis luojttebihtit, de li sunji ándagis luojtduvvam, ja jus avtak suttojdises tjadnabihtit, de li sunji tjanáduvvam.”
Joh 20, 22-23

9 Ándagisluojttem

L Báhtit de Hærrá álltárij, ja ámastihit Jubmela ándagisluojttema duodastusáv gájkka suttojstihite.

Tjoaggulvis manná álltárij ja buolvvet.

Juohkka vuorruj buolvvediddjijs javllá liturgga:

Mijá Hærrá Jesus Kristusa bágoj ja gáhttjoma milta

ja de giedajn juohkka dábdástiddje oajve nanna

sárnov dunji ármos gájkka suttojdat ándagis luojtduvvam, Áhtje ja Bárne ja Ájlis Vuojnjanisá namán.

Ja de vas juohkka vuorruj buolvvediddjijs:

Guhti dijá lunna buorre dagov álgadij, dav aj Kristus Jesusa bæjvváj álli. Fil 1,6
Ráfe lehkus dijájna.

Dánna de liturgga máhtá duoddit

Gálggijup giedav guhtik guojmmásimme vuosedittjat mij aj guhtik guojmmásimme ándagis luojttem náv gâk Jubmel le mijáv ándagis luojtám.

10 Gijttemráhkálvis

L Gijttup ja ráhkálup

L Guddneda Hærráv, siellum,
TJ álles mán sidáv suv ájlis namáv hievedit.

L Guddneda Hærráv, siellum,
TJ mujte gájkka buorre dagojdis:

L divna suttojdám ándagis luojttá
TJ ja gájkka skihpudagájs muv buoret,

L hávdes muv gádju
TJ ja krávnni muv ármujn ja ármmogisvuodajn.

L Hærrá le ármmogis, ármov vaddá,
TJ moarráj nuolle, gieresvuodas boanndá.

L Ij agev mijáv gájpgoda,
TJ moarres ij ihkeven ájggáj biso.

L Mijáv ij dágojimme milta nukta,
TJ midjij ij suttojimme bálkáv vatte.

L Dan allagij almme gávvá ednama badjel,
TJ dan stuorre le ármmos sidjij gudí sujsta balli.

L Dan guhkken lulle le allet,
TJ dan guhkás mijás suttojt vuodjel.
Sái 103,1-4.8-12

Jali B

L Vuorbálasj gen mætto li ándagis luojteduvvam,
Tj gen sutto li muorroduvvam!

L Vuorbálasj gen vælgojt Hærrá le rihpastam,
Tj gen miella le bæhttogisvuoda dagi!

L Bårråluvviv guhkev sjávot lidjiv.
Tj Luodjuv gætjo biejev,

L idja biejevve lássis giehtat lij muv nanna,
Tj sjaddiv degu giessejanádága áhkar.

L Suttojdám de dunji dábdástiv,
Tj ittjiv vælgojdám tjiegada.

L Javlliv: Sidáv Hærráj mættojdám dábdástit.
Tj Ja suttojdám ja vælgojdám dán ándagis luojtti.

L Råhkålit galggi jubmelbalulattja dunji gárttjásij ájgij.
Tj Vájku stuorra dulve sjaddi, de sijáv e jávså.

L Dán le muv oagge,
Tj gárttjásis muv várjjala, ja lánástusá sjálijn muv birástahtá. Sela.
Sál 32,1-7

11 Hærrá ráhkálvis

Áhttje mijá guhti le almen.
Ájlistuvvus duv namma.
Báhtus duv rijkka.
Sjaddus duv sidot gák almen, náv aj ednamin.
Vatte midjij uddni mijá bæjvvásasj lájbev.
Ja luojte midjij suttojdimme ándagis,
náv gák mij aj luojttep mijá velgulattjajda.
Ja ale mijáv gæhttjalibmáj lájddi,
ájnat várjjala mijáv bahás.
Juhte duv le rijkka
ja fábmó ja herlukvuohta ihkeven ájggáj.
Amen.

12 Låhpádimisálmma

13 Buorissjivnnjádus

L muohto tjoaggulvissaj:
Ámastihtit buorissjivnnjádusáv.

Tjoaggulvis tjuodtján.

L Hærrá buorissjivnnjedus duv ja várjjalus duv.
Hærrá tjuovggijus árudijás dunji ja lehkus dunji ármmogis.
Hærrá járggálus árudijás dunji ja vaddus dunji ráfev. +

TJ Amen.

Sjávo rágádaláciijn skuollá girkkobiello gálmmi gálmma gierde.

L Mannit ráfen. Dievnnujhtit Jubmelav ávujn.

14 Loahppatjuojadibme